



Kamis, 29 Agustus 2024
Ogen: Kejadin 24:60-61



Nande Sinterem



Nande, ingan tunande, nande si natang tuah guna nerusken kegeluhen i doni enda. Keberlangsungan pedah Dibata gelah dem doni enda, salah sada dahin enda ilakoken sekalak diberu. Bage me nande mereken dirina, rikutken kecibal kula si bereken Dibata man bana. Janah perjabun me benana, sabap arah perjabun sekalak dilaki ras diberu banci ersada kula guna nerusken tanggungjabap enda. Ieteh Abraham kal dahin enda, e maka alu persuruhenna maka Elieser enggo jumpa ras Ribka, alu percakapen si gedang enggo setuju me Ribka ras keluarganya guna ngikutken Elieser mulih ku taneh ingan tuanna Abraham ras Isak si nuate erjabu ras Ribka. Kebebasen Ribka selaku diberu i bas konteks masyarakat paksa e mbelin kal iergai keluarganya, ia me mutuskenca, labo persuruhan bapa ras nandena. I bas kecibal si e me ipasu-pasu keluarganya ia, sope ia berkat nina 'Jadilah kam Ribka, nande erjuta-juta kalak.' Kata enda nuriken toto ras arapen keluarganya nandangi ia. Ribka me dungna mpetubuh Esau ras Jakub, Jakub me jadi 'bapa leluhur' Israel kenca Abraham ras Isak. Jakub me si igelari Israel (Kejadin 32:28).

Kesusurena me sinaluken kuta-kuta musuhna. Kemandirin Ribka selaku sekalak diberu, singuda-nguda tangkas teridah, kenca alokenna pasu-pasu e, berkat ia ngersak kuda. Ialokenna, pasu-pasu jadi nande si enterem, si mupus generasi bangsa si mbelin, nehi rancangan Dibata, bagi padanna nandangi Abraham si ngaloi pendilo Dibata.

Bage me kegeluhen Ribka, ikut i bas rancangan Dibata nandangi doni enda. Moria, e me sekalak diberu, nande bangsa si enterem, tetap min ngumban kegeluhen Ribka, si nggit idilo, ipilih Dibata i bas nehi rancangenna. Kita nande



man bangsa enda, masyarakat i ja kita tading guna nikapken kesusuren si mbelin ras mehuli. Seh sura-sura Dibata